

**FONDACIJA ZA PRUŽANJE POMOĆI U RJEŠAVANJU  
STAMBENIH PITANJA PRIPADNIKA BORAČKIH POPULACIJA  
Ul. Ismeta Mujezinovića 18, Sarajevo, tel. 033 55 89 00**

Na osnovu Programa rada i Finansijskog plana Fondacije za 2019. godinu, usvojenog na sjednici Vlade Federacije Bosne i Hercegovine, dana 27.02.2019. godine, broj V.187/2019, Odluke Upravnog odbora o raspodjeli sredstava za 2019. godinu, od 29.03.2019. godine broj:05-14-176/19, člana 7. Pravilnika o uslovima, načinu, kriterijima i postupku za dodjelu sredstava za pružanje pomoći u rješavanju stambenih pitanja pripadnika boračkih populacija od 16.04.2019.godine broj:05-14-193/19, u skladu sa Odlukom o raspisivanju javnog oglasa od 16.04.2019.godine broj: 05-14-194/19:, Upravni odbor Fondacije za pružanje pomoći u rješavanju stambenih pitanja pripadnika boračkih populacija (u daljem tekstu: Fondacija) **o b j a v l j u j e:**

**JAVNI POZIV**

**za ostvarivanje prava na dodjelu kredita za stambenu izgradnju pripadnicima boračke populacije za 2019. godinu**

**I**

Predmet Javnog poziva je pružanje pomoći na kreditnoj osnovi u rješavanju stambenih pitanja pripadnika boračke populacije.

Po osnovu Programa rada i Finansijskog plana Fondacije za 2019. godinu, usvojenog na sjednici Vlade Federacije Bosne i Hercegovine, dana 27.02.2019. godine, broj V.187/2019, Odluke Upravnog odbora o raspodjeli sredstava za 2019. godinu, od 29.03.2019. godine, broj:05-14-176/19, člana 7. Pravilnika o uslovima, načinu, kriterijima i postupku za dodjelu sredstava za pružanje pomoći u rješavanju stambenih pitanja pripadnika boračkih populacija od 16.04.2019.godine broj: 05-14-193/19, u skladu sa Odlukom o raspisivanju javnog oglasa od 16.04.2019.godine broj: 05-14-194/19, objavljuje Javni poziv za dodjelu kredita za stambenu izgradnju u iznosu od 2.000.000,00 KM.

**II**

Pravo učestvovanja u raspodjeli kreditnih sredstava ostvaruju pojedinci koji pripadaju boračkoj populaciji, kao i članovi njihove uže porodice (roditelji, supruga i djeca), sa projektima usmjerenim na realizaciju ciljeva Statuta Fondacije za pružanje pomoći u rješavanju stambenih pitanja pripadnika boračkih populacija (u daljem tekstu: Fondacija).

Sredstva pomoći na kreditnoj osnovi mogu se odobriti za slijedeće namjene:

- a)** - opravku i sanaciju porodičnog stambenog objekta,
  - opravku i sanaciju stambene jedinice u vlasništvu ili iznajmljenoj stambenoj jedinici.
- b)** - izgradnju novih porodičnih stambenih objekata i stanova (nadziđivanje, nadograda postojećih stambenih jedinica, pretvaranje zajedničkih prostorija u stanove i sl.),
  - kupovina stambenog objekta ili stana.

Po donošenju odluke najmanje svaka tri mjeseca (kvartalno) vrši se doznaka sredstava pojedincima do iznosa raspoloživih sredstava od ukupno predviđenih sredstva Finansijskog plana.

**III**

Tražilac kredita je kreditno sposoban ukoliko jednom trećinom svog mjesečnog primanja ili solidarno sa sudužnikom može podmiriti mjesečni anuitet.

- a) Pomoć u vidu kredita za namjene iz tačke II pod a. može se dodijeliti u iznosu do 12.000,00 KM na maksimalni period otplate do 10. godina uz godišnju kamatu od 2,99% i troškove bankarskih usluga.
- b) Pomoć u vidu kredita za namjene iz tačke II pod b. može se dodijeliti u iznosu do 20.000,00 KM na maksimalni period otplate do 15. godina, uz godišnju kamatu od 1,99% i troškove bankarskih usluga.

Odobranje sredstava iz tačke I ovog poziva vršiti će se u skladu sa općim i posebnim kriterijima.

**IV**

**Opći kriteriji** za odobrenje sredstava za sufinanciranje projekta aplikanta su:

1. da je lice pripadnik boračke populacije;
2. da ima prebivalište na području Bosne i Hercegovine;
3. da nema riješeno stambeno pitanje ili je u aktivnostima na poboljšanja uslova stanovanja u već postojećoj stambenoj jedinici.

Lice sa neriješenim stambenim pitanjem smatra se:

- lice koja lično ili član uže porodice, nema stambenu jedinicu na području Bosne i Hercegovine,
- lice čija je stambena jedinica djelimično ili potpuno uništena,
- lice čija stambena jedinica ne ispunjava arhitektonsko-građevinske norme za normalo stanovanje i boravak članova porodice,
- lice koje je u aktivnostima poboljšanja uslova stanovanja u već postojećoj stambenoj jedinici.

**Posebni kriteriji** za odobrenje sredstava za sufinanciranje projekta aplikanta su:

1. Uvjerenje o pripadnosti boračkoj populaciji,
  - uvjerenje nadležne Službe za boračko-invalidsku zaštitu o priznavanju svojstva pripadnosti Oružanim snagama Bosne i Hercegovine u periodu od 18.09.1991.godine do 23.12.1995. godine.
  - uvjerenje nadležne Službe za boračko-invalidsku zaštitu o priznavanju svojstva RVI
  - uvjerenje nadležne Službe za boračko-invalidsku zaštitu o priznavanju svojstva člana šehidske porodice i poginulog borca;
  - uvjerenje da je nosilac ratnih priznanja, izdato od nadležne grupe za pitanja evidencije iz oblasti vojne obaveze ili nadležnog ministarstva unutrašnjih poslova;
2. Ukupnim primanjima podnosioca zahtjeva ili sudužnika (potvrda primanja od poslodavca, ček od penzije, primanja po osnovu BIZ-a);
3. Dokaz o ukupnim primanjima sudužnika u koliko je potreban;
4. Kućna lista,
  - broj članova uže porodice aplikanta;
5. Eventualno potrebna druga dokumentacija na zahtjev Fondacije.

## V

Prilikom apliciranja na Javni poziv potrebno je dostaviti slijedeću osnovnu dokumentaciju u zavisnosti od statusa aplikanta:

- a) Adekvatno popunjen aplikacioni formular (zahtjev za odobravanje kredita i Izjava- koji su sastavni dio aplikacionog formulara);
- b) Uvjerenje o pripadnosti boračkoj populaciji,
  - uvjerenje nadležne Službe za boračko-invalidsku zaštitu o priznavanju svojstva RVI
  - uvjerenje nadležne Službe za boračko-invalidsku zaštitu o priznavanju svojstva člana šehidske porodice i poginulog borca;
  - uvjerenje da je nosilac ratnih priznanja, izdato od nadležne grupe za pitanja evidencije iz oblasti vojne obaveze ili nadležnog ministarstva unutrašnjih poslova;
- c) Dokaz o ukupnim primanjima podnosioca zahtjeva ili sudužnika (potvrda primanja od poslodavca, ček od penzije, primanja po osnovu BIZ-a);
- d) Uvjerenje o prebivalištu (CIPS-ova prijava prebivališta);
- e) Kućna lista;
- f) Izjava ovjerena u nadležnom općinskom organa da nema rješeno stambeno pitanje ili je u aktivnosima na poboljšanju uslova stanovanja u postojećoj stambenoj jedinici;
- g) Eventualno potrebna druga dokumentacija na zahtjev Fondacije

Podnosilac zahtjeva je dužan dostaviti osnovnu dokumentaciju, priložiti original ili kod nadležnog općinskog organa ovjeren prepis dokumenata.

## VI

Uzimajući u obzir svu dostavljenu dokumentaciju, Stručna služba Fondacija najprije cijeni administrativnu usklađenost prijave, tako što vrši pregled prijave i provjeru da li dostavljena dokumentacija koja je Javnim pozivom tražena. Nakon što utvrdi kompletnost prijave prelazi na primjenu kriterija iz tačke IV i V ovog poziva

te boduje i vrednuje prijavu ponaosob. Nakon toga predlaže Upravnom odboru Fondacije iznos kreditnih sredstava za sufinansiranje projekta.

Prijedlog Stručne službe Fondacije se upućuje na razmatranje Upravnom odboru, koji o tome donosi odluku. Nezadovoljni kandidati mogu istaći svoj prigovor Upravnom odboru u roku od 15 dana od dana prijema obavijesti da im sredstva nisu odobrena, a prigovor mora biti obrazložen i utemeljen na dokazima.

## VII

Subjekti kojima su odobrena sredstva po ovom pozivu dužna su sredstva utrošiti u skladu sa navedenim u tački II.

## VIII

Prijave na Javni poziv sa potrebnim odgovarajućim dokumentima navedenom u tački V dostavljaju se isključivo lično ili poštom preporučeno, na adresu: **Fondacija za pružanje pomoći u rješavanju stambenih pitanja pripadnika boračkih populacija, ulica Ismeta Mujezinovića br. 18, 71000 Sarajevo.**

Javni poziv ostaje otvoren 30 (trideset) dana od dana objavljivanja. Ukoliko u datom roku ne zaprimi dovoljan broj zahtjeva, Fondacija zadržava pravo da zaprima aplikacije sve dok ima raspoloživih novčanih sredstava za ove namjene.

**Prijave na javni poziv podnose se na jedinstvenom obrascu/aplikacioni formular. Isti se može dobiti u prostorijama Fondacije, udruženjima, udrugama koje okupljaju boračku populaciju i na web stranici Fondacije [www.fbp.ba](http://www.fbp.ba)**

**Zahtjevi koji nisu kompletirani sa traženim dokumentima iz tačke IV i V ovog poziva, mogu se dopuniti i kompletirati u razumnom roku, a do tada se neće uzimati u razmatranje,**

**Bliže informacije mogu se dobiti neposredno u Fondaciji ili na telefon 033/558-900,**

Broj: 05-14-195/19  
Sarajevo, 16.04.2019.godine

**P r e d s j e d n i k**  
**Upravnog Odbora**

**Prof.dr. Salih Kulenović**